



Møtereferat

Dato: 29.09.2014

Emne:	Referat frå FYEL-AU 25092014		
Til stades:	Margot Bertheussen, leiar Kåre Ystanes, nestleiar Ingeborg Borgen Takle, rådgjevar		
Forfall:			Sak: 2014/557-66
Møtetid:	10:15-12:30	Møtestad: Fylkesutvalssalen, fylkeshuset	

Møteleiar: Margot Bertheussen
Referent: Ingeborg Borgen Takle

Sak 34/14 Eldrerådskonferansen 2014

Per 25.09.14 var det 44 påmelde deltakarar, inkludert fylkeseldrerådet. Arbeidsutvalet brukte tid i møtet på å ringje rundt til nokre av dei kommunane som ikkje hadde meldt seg på. Ein del praktiske saker i samband med konferansen vart avklara.

Sak 35/14 Medlem til brukarutvalet til Haraldsplass diakonale sjukehus

Arbeidsutvalet diskuterte saka og ønskja å fremje at Arne Gunnar Trædal fortsetter i rolla som brukarutvalet.

VEDTAK

Medlem til brukarutvalet til Haraldsplass diakonale sjukehus vert sett opp som politisk sak på neste rådsmøte med slikt forslag til vedtak:

Arne Gunnar Trædal vert vald som fylkeseldrerådets representant i brukarutvalet til Haraldsplass diakonale sjukehus.

Sak 36/14 PREMISS; KULTUR – høyringsuttale

Fylkeseldrerådet gav innspel til høyringsuttale på førre rådsmøte og gav arbeidsutvalet fullmakt til å skrive den.

VEDTAK

Arbeidsutvalet vedtek å sende ein slik høyringsuttale til PREMISS; KULTUR:
«Fylkeseldrerådet meiner den regionale kulturplanen er ein særskilt bra og omfattande plan. Planen gjev eit tydeleg bilete av mangfald innan kultur som fylkeskommunen og kommunane skal satse på i åra frametter. Fylkeseldrerådet vil kome med nokre merknadar/synspunkt som rådet er oppteken av.

Den kulturelle spaserstokken.

Den kulturelle spaserstokken er særdeles naudsynt når det gjeld formidling av ulik kultur til dei eldre i kommunane. Fylkeseldrerådet vil be om at ein får delta i prosessen om tildeling.

Fylkeseldrerådet meiner løyvingane bør aukast i åra framover. Fylkeskommunen bør syte for at det frå

sentralt hald vert løyvd fleire midlar til kulturføremål for eldre. Ein vesentleg auke av talet eldre i åra framover bør vere ei tilstrekkeleg grunngeving.

Bibliotek

Biblioteka er i dei siste åra vorte ein viktig møtestad for folk i alle aldersgrupper i mange kommunar. Dei eldre nyttar biblioteka i større grad enn tidligare der tilhøva ligg til rette for dette. Biblioteka er i fleire kommunar vorte ein viktig kulturarena for mange eldre.

Fylkeseldrerådet meiner både fylkeskommunen og kommunane må syte for at alle kommunar har bibliotek der ulike kulturtilbod og tilgjenge er lagt til rette. Biblioteka bør vere i rimeleg nærleik til brukarane. Dei eldre har i aukande grad teke i bruk data og mange er flittige brukarar av digitale system. Biblioteka bør legge til rette for opplæring og nyttegjering av data der også dei eldre kan ta del i den teknologiske utviklinga på lik linje med folket generelt.

Inkludering

Kulturplanen legg vekt på ei sterkare inkludering av born og unge med fleirkulturell bakgrunn noko fylkeseldrerådet sjølv sagt er samd i.

Fylkeseldrerådet meiner det også er trong for å inkludera dei eldre med ulik kulturell bakgrunn i ulik samanheng. Dette gjev eit breiare kulturelt mangfald.

Amatørkulturråd bør etablerast i alle kommunar, etter mal av idrettsråda.

Det bør finnast ein oversikt over alle verkemidlar og støttemidlar tilgjengeleg i fylket i planen.

Fylkeseldrerådet meiner at den eldre del av folket i det heile har interesse og deltek i ymse kulturtilbod på lik linje med folket elles.»

PREMISS; KULTUR – høyringsuttale vert lagt som referatsak på neste rådsmøte.